



Ai 18.04.2010 éi gnü sughé la secunda partida pur La Val contra Mühlwald fora de cíasa. Do da la sconfitta contra l' Alta Badia é stada buna la squadra da La Val da purté a cíasa la prúma vittoria dl ritorno. Cun chisc trei punc se porta La Val al 5. post, cun na partida demanco. La partida contra Mühlwald è jüda fora 1: 3 pur La Val. Ara á metü man atira cun en gran ritmo, suradüt chi da La Val é sta bugn da fa pressing sön le avversar. Le prüm gol é gnü fat da Ploner Werner (che é gnü zruich dala scualifica pur soma de amoniziuns ) Frenes Michael á trat na puniziun e le portier ne é nia ste bun da sla tigní, Ploner é sté le plü svelto da ruvé sön le pal y á insciö pudü le met te porta. Do le gol á La Val lasce do en püch, lascian insciö sughé deplü Mühlwald. Rubatscher Florian és ciamó albü la poscibilité da se purté in vantaje de plü iadi, mo le pal ne uro nia ruvé te porta. Le prüm temp se á stlüt jö sön le 0 : 1. Le secundo á indo La Val sughé damí co la fin dl prüm temp, sön de plü poscibilites ne é La Val nia sta bugn da fa gol. Sprecan dütes les ocajions é stá Mühlwald bugn da segne le 1 : 1. A mesa le secundo temp é sté bun Rubatscher Florian da se accentré te area y a trá en bel tiro sön le palo lunch, le portier ne á albü degüna poscibilité da le paré La Val se á insciö purté indo en vantaje. Mühlwald á ciamo fat na traversa sön na bela puniziun. Ala fin é ciamo ste bun Rubatscher Romeo da fa le terzo gol, sön contropiede, stlujon jö insciö la partida.

In cürt cíamó les sostituziuns da pert dla squadra da La Val.

Al 70° Miribung Alexander pur Rubatscher Florian

Al 75° Castlunger Marco pur Frenes Daniel

Al 80° Kaneider Denis pur Frenes Michael

Pur ciaré ala formaziun y la panchina clicca la foto in injunta.



Pur ciaré ales foto clicca. [FOTO](#)

Pur ciaré ala tlassifica y i resultač dles artres partidas clicca. [Resultač y tlassifica](#)